

**საჯარო სამართლის იურიდიული პირის - განათლების საერთაშორისო ცენტრის შექმნის შესახებ**

**მუხლი 1.** „საჯარო სამართლის იურიდიული პირის შესახებ“ საქართველოს კანონის მე-2 მუხლისა და მე-5 მუხლის მე-2 პუნქტის „ბ“ ქვეპუნქტის შესაბამისად, შეიქმნას საჯარო სამართლის იურიდიული პირი - განათლების საერთაშორისო ცენტრი.

**მუხლი 2.** საჯარო სამართლის იურიდიული პირის - განათლების საერთაშორისო ცენტრის სახელმწიფო კონტროლი განახორციელოს საქართველოს მთავრობამ.

**მუხლი 3.** საჯარო სამართლის იურიდიული პირი - განათლების საერთაშორისო ცენტრი ჩაითვალოს საქართველოს მთავრობის ადმინისტრაციის განათლების საერთაშორისო ცენტრის (სამსახური) უფლებამონაცვლედ.

**მუხლი 4.** საქართველოს პრემიერ-მინისტრმა უზრუნველყოს ცენტრის აღმასრულებელი დირექტორის დანიშვნა.

**მუხლი 5.** საქართველოს მთავრობის ადმინისტრაციის განათლების საერთაშორისო ცენტრმა (სამსახური) უზრუნველყოს საჯარო

სამართლის იურიდიული პირის - განათლების საერთაშორისო ცენტრის დებულების პროექტის მომზადება და მისი საქართველოს მთავრობის მიერ 2015 წლის 1 ივნისამდე დამტკიცების მიზნით საჭირო ღონისძიებების განხორციელება.

**მუხლი 6.** საჯარო სამართლის იურიდიულ პირს - განათლების საერთაშორისო ცენტრს მისი ფუნქციონირებისათვის საჭირო ქონება გადაეცეს კანონმდებლობით დადგენილი წესით.

### **მუხლი 7**

1. დადგენილება, გარდა მე-5 მუხლისა, ამოქმედდეს 2015 წლის 1 ივნისიდან.

2. დადგენილების მე-5 მუხლი ამოქმედდეს გამოქვეყნებისთანავე.

**პრემიერ-მინისტრი**  
**ლარიბაშვილი**

**ირაკლი**

